



黎陽王襄敏公集卷之三

巡按四川監察御史天雄赫

瀛登甫

四川布政司右叅議堯山王鳳竹允在

校

四川按察司副使郢上周嘉謨明卿

校

四川提學副使新安曹樓世登

輯

富順縣知縣匡南但貴元仁甫

編

五言律詩

次林員外新店驛壁間韻

諫書佛骨表滇海即潮州正氣兩千丈斯文第一流
故交無客送公道有人留慨想逢迎輩聞風死已羞

黎陽王襄敏公集

卷之三

其二

漫漫南去路隨州紀山川齊魯雲連樹秦淮水接天
鳥栖吳苑月人牧楚陵煙莫到交州遠姚安已近邊

其三

道經新店驛夢落楚山中王化雖無外鄉音自不同
石屏清如畫水鏡淨涵空回首堯天遠三呼祝聖躬

其四

日斜羸馬倦暫向驛亭效俯仰心無媿徘徊影自隨
孤忠天上疏絕妙壁間詞甘雨何時降恩波及我私

山亭雜詠

壓屋黑雲低
催詩雨滿畦
傍牆緣土狗
隔水叫天鷄
山近嵐光重
門幽草色微
東風吹不起
香浸落花泥
其二

小園通曲逕
野趣浩無涯
藜杖分開草
芒鞋印破沙
一聲兩聲鳥
千境萬片花
坐久詩喉渴
呼童旋煮茶
其三

結茅如斗大
終日寄徘徊
窗破蠅爭入
門虛犬撞開
雲穿松過去
燕掠水飛來
此趣無人識
長歌飲數杯
其四

心閒塵慮少
耳靜市聲稀
連日雨初霽
滿天雲正飛

黎陽王襄敬公集

卷之三

二

樹低行碍笠
苔厚座沾衣
徒倚無窮思
斜陽倦鳥歸
春曉

曉起思依依
問春春欲歸
酒煖杯底淺
花恨樹頭稀
見客犬忽吠
避人鶯亂飛
醉呼童子去
掩上小柴扉
竟陵故城

荒城遺跡在
眺望欲沾巾
舊塚連新塚
今人雜古人
斷碑多作礎
枯木盡為薪
回首東風路
年年草自春
西樓

西樓多雅趣
閒處有人忙
把酒待新月
捲簾留夕陽
春風花氣暖
秋雨竹聲涼
俯仰成遺跡
公輸夢一場

8 次定襄未韵

錦袍圍玉帶，端笏倚楓宸。千載風雲會，三朝社稷臣。
敢為天下事，高出世間人。與國同休戚，寧容把釣綸。

其二

忠義郭汾陽，豪華馬子長。有閑唐氣運，無媿漢文章。
錫馬承三接，維人訓四方。醉鄉容不得，翻笑獨醒狂。
○馬上口占送趙總戎西行

大將統三軍，神雲山生殺氣。風雨洗征塵，
老國聲名舊平。寧看清朝誤，圖像上麒麟。

○雲中除夕

卷之三

短燭寒生暈，紅爐春一杯。除夕酒十載，異鄉人

坐久身仍倦。吟名新幸逢，克齋世夷虜。盡稱臣。

○其二

庭前燒爆竹，又是一年春。客裏有歸夢，眼前無故人。
椒花誰勸酒，盤菜自嘗新。聖主憂邊切，還應念遠臣。

8 試筆次前韻

故國三千里，浮生四十春。且將詩漫興，何用語驚人。
有限光陰速，無態新。不知麟閣上，盡得幾功臣。

其二

康衢歌擊壤，喜遇太平春。萬歲今明主，三皇古聖人。

無為民自化有本德維新邊境皆寧謐長城托虎臣

孔林別墅

高人營別墅野趣自悠然有地唯栽竹無池不種蓮
石橋平似掌茅屋小如舡此景堪圖畫王維在輞川

8 龍洞秋雲

靈物蟠深洞吹噓作曉陰九霄新捧日四海舊為霖
流水閒來往空山自古今西風休太惡漠漠本無心

西亭雜詠

曉窓初睡起扶杖竹籬東鳥跡真如篆虫形曲似弓
草痕輪嫩綠花瓣墮殘紅一幅天然五吟翁指點中

魏曉亭雜詠卷之三

祈雨有感

公私憂旱久後爾汗霖平地盡流水滿田都是金
桑林千古思妝築一空心樂極頻呼酒鷗風入醉吟

胡指揮臘梅

臘梅可人意雪裏送春來一朶未曾放百花不敢開
暗香浮月色清氣逼塵埃對此歲寒友寧辭酒滿杯

宋玉石

楚山一片石雅愛欲何如醉卧宜醒酒閑凭好看書
晚漸陪五客早喜識三閭零落今安在長吟恨有餘

○自詠

今日是重九登高思眇然世無陶靖節誰賞傳延年
鴈落偏依水雲飛直上天欲歸歸未得詩酒重留連
○次韓道貫亞叅寅延寺韻

追思榮辱事渾似夢中過豈料舊神草化為新女蘿
一身為客久兩眼閱人多徒倚無聊頓臨風發浩歌

其二

禪闕臨古道使節幾經過僧洗溪頭竹旌攀石上蘿
妙山原自好佳句不須多人境俱忘處披雲一笑歌

○其三

老便扶竹杖閑喜謝星軺問事慵開口逢人懶折腰
夜吟山月小春夢海天遙還有憂時病羨情每見堯

其四

禪林多雅趣暫息使君輅日暖熏花氣雲依抱樹腰
四圍山路滑一點楚山遙喚醒卸關夢唐風想帝堯

○顛出

老去鬢如絲東風知不知新年多病酒元夜欠題詩
犀首本非智虎頭真是痴偶然開醉眼春意上花枝

遊太平湖

偶到太平湖清閑樂有餘飛來沙上鷺卸出水中魚
月小天心闊雲深地脉虛幾年不到此人換一新廬

送金主事

楚楚好丰姿，才華邁等夷。那堪相見後，又是送行時。
渡楊子江水，題金山寺詩。秣陵雲樹杳，從此不勝思。

和龐復禮韻

行行重殿攏，轂轂藉官傳。揚高節，陵烏府，豪唵逼草堂。
一心常向日，兩鬢未成霜。後夜相思處，東風滿建章。

○送別孝夫三老

東風吹柳枝，正及早春時。手把送行酒，口吟臨別詩。
交情三老在，義氣幾人知。悵望征車發，停雲後夜思。

賦

東陽王叔公集

卷之三

剖開混沌窟，辛苦幾時休。陋巷親顏子，箕山怨許由。
瓮邊盛酒用，江口貯詩流。羨頡論功賞，當封第一侯。

遊吉祥寺偶成

木履印蒼苔，花燈照未迴。今朝扶醉去，明日肯重來。
謾罵天為紙，雄吞海作杯。烟霞三萬里，飛舞上瑤臺。

小亭雜詠

一箇小荊亭，人間境自清。巧雲涇畫意，幽鳥做詩聲。
芭蕉板籬過，苔錢上樹生。百啞春，雨足，睡殺老園丁。

七言律詩

驪山懷古

寂寂驪山鎖夕暉，我來不覺淚沾衣。
幽王烽火娛褒姒，唐帝溫泉浴貴妃。
芳草有情空自老，落花無語為誰飛。
春來繡嶺多啼鳥，似對行人說是非。

華清池六首

九虎天門晝不開，諫章無路達銀臺。
蛟龍徒恃關中險，梟獍還從薊址來。
綉嶺草荒秋寂寞，新豐樹老月徘徊。
無情最恨溫泉水，依舊涓涓澗底迴。

其二

寵愛三千在一身，太平天子照時巡。
只知火井年年好，不鑿湯盤日日新。
羯鼓北來星犯斗，龍旗西幸海生塵。
馬羗坡下棠梨樹，猶占秦園整草春。

其三

禍胎不信是蛾眉，兵起漢陽國祚危。
幸蜀君臣輕社稷，守關將帥偃旌旗。
霓裳舞破山河固，玉笛吹殘鼓角悲。
浴罷溫泉問遺事，野煙綠樹嘯黃鸝。

其四

泉源雲暖碧粼粼，火井潛通地入秦。
一勺已消神女唾，千秋難洗羯奴塵。
山連太白空多雪，地到華清別

有春莫向此中談往事芙蓉楊柳亦傷神

其五

驪山依舊入青雲想見當年步錦綉鳳輦風清人似
玉蓮池脂滑水如春九華寶座芙蓉濕五月金盤荔
子新一曲霓裳歌未了長安宮闈已生塵

其六

造化融春幾許年人間留此一泓泉山靈不納藏水
室地脉應通浴日淵香霧籠晴舍御氣凝脂流恨帶
胡籛至今多少探湯手咲指當時種玉蓮

○蜀中送項斯誠同年回京

白髮慈親七十餘不知消息近何如老來賴我供湯
藥別後憑誰奉板輿旅館夜長頻有夢故鄉路遠久
無書君歸正向門前過為報平安莫倚閭

鶴軒

小結幽居只數椽無邊風景屬胎仙窓涵赤壁磯頭
月門掩清溪洞裏天松露不寒隨意舞雲巢最大放
心眠夜來說有麻姑到番與丹砂當酒錢

○裕軒

青山只在屋西頭盡日無人水自流李愿不嫌盤谷
小杜陵偏愛草堂幽半窗殘月古今夢一榻清風天

地秋回首五侯歌舞地年來花草不勝愁

8 送薛公子赴揚州

踏遍東風燕子樓曉來騎鶴上揚州五湖烟月供清
賞萬里乾坤屬壯遊酒海有靈澆渴肺詩山無計壓
窮愁憑君夜半休彈劍恐有光芒射斗牛

○ 輓林都憲父

五轉儒官四十年老來歸隱向林泉蓋間茅屋番雲
住掃片松陰借鶴眠妙黍忽成身後夢買山虛費杖
頭錢卽君鶴立青霄上分得恩波及墓田

送盧景芳

故園莫厭酒盈觴明日逢人是異鄉世路不堪離別
苦人生都為利名忙啼殘茅店雞聲月踏破河橋馬
足霜回首秣陵雲樹杳相思從此不勝長

8 登泰山六首

朝登泰嶽望蓬萊晚帶斜陽尚未回一路草香都是
藥滿林樹老盡生苔浮雲似水流將去恠石如人立
起來幾度叮嚀語童僕等閒休上捨身臺

其二

日射天門紫氣浮氤氳烟霧一時收眼空海宇無窮
處身在雲霄最上頭雨漲寒流清漱玉風驚落葉亂

吟秋我來不負山靈約勒石題詩紀勝遊

其三

萬重烟樹萬重雲今古巍巍勢自尊四面好山朝日
觀一溪流水落天門我漸作記非王勃人說題詩有
許渾回首忽驚歸踞晚滿身清影月黃昏

其四

行上顛崖第幾層一峰擁出翠雲屏氣吞平地東洋
海勢接遙天北斗星願復明堂典禮樂載歌磐石頌
朝廷山靈焚入蓬萊去擊碎秦松喚不醒

其五

迴鴈峰頭望故鄉心還逐暮雲長十年官跡渾無
定百歲人生空自忙看飲海能消酒渴朗吟天不恠
詩狂英雄一去成千古留得殘碑卧夕陽

○其六

神秀全鍾造化功青分齊魯勢凌空挾超北海原非
易登比東山大不同坐井莫嫌天有限出塵今見地
無窮何當一吐胸中氣散作人間萬丈虹

詠突泉

一泓清氣湧波瀾幾度曾於醉裏看玉杵亂春珠顆
碎水壺倒浸雪花寒龍吹海沫潮聲急鬼剗山根石

眼寬誰為蒼生作霖雨天瓢携取上雲端

題祖庵

終南萬疊此中佳金碧樓臺絢紫霞阿母許傳青鳥
信仙人來自玉皇家雲間雞犬迎遊客雨後兒童掃
落花世事不干黃鶴夢酒醒猶未熟胡麻

鴈塔

慈恩古塔一開登瘞鶴銘亡問寺僧舊壁徧題唐進
士遠烟多見漢原陵感懷已寄無窮事繼日還須最
上層不省風鈴緣底語至今誰是佛圖澄

長安懷古

八水三川古帝疆千燒萬戰幾興亡秦隨暴雲傾危
易周漢寬仁繼緒長落日綠蕪迷獵苑寒原焦土記
宮牆金城此日藩屏重依舊閑河百二強

又

渭水橋邊獨倚闌望中原是古長安斬蛇赤帝晉神
劍墮淚銅仙泣露盤宮錦爲帆天外落霓裳成隊月
中看不堪回首風塵後北斗城荒鴈塔寒

○次許先生草亭韻四首

絲挾濃雲壓樹低啞菟清入畫圖迷群蜂釀蜜爭輸
課一鶴將鷓鴣恣啄泥劉向昔居天祿閣杜陵今住浣

花溪詩成幾度無人和閑就芙蓉葉上題

其二

幽亭掩映夕陽低
夢落壺天路轉迷人對竹傾新釀
酒
鴈邨花補舊巢泥
一簾捲翠山排闥兩岸拖藍水
拍溪何事閑情松上鶴也來嗔我不留題

其三

風靜疎簾落絮低
雨晴香徑綠陰迷
虎鬚半露蒲穿
石龍角全舒笋透泥
東面樹連西面樹
南頭溪灌北頭溪
更憐野鳥春聲巧似把山童小字題

其四

日烘花氣鳥聲低
春滿遙山翠色迷
浮世百年愁似
海先生終日醉如泥
歸辭堂僻通幽徑
成趣軒深隔小溪
兩處我來都不得有詩只向草堂題

八 賀胡僉憲母九月十三誕日

綺筵香裊綵衣輕
庭院無風日正晴
黃籙寫成多壽頌
玉簫翻出斷機聲
人從世德堂前拜
酒向重陽節後傾
寒菊一花添一歲
滿籬秋色慶長生

清明感懷

先隴年來草樹荒
清明時節倍堪傷
半生為客頭將白
一夜思家夢欲狂
暮雨忽驚成雪片
春風便覺似

秋霜故人當道知多少誰念宣城是遠方

和顯章宋公馬嵬坡詩韻

坡下產貴妃將

妖血流紅古道傍翠華西幸悔滯荒淒舊事空塵
夢冷落殘魂送夕陽自昔玉顏多賈禍至今禁土尚
餘香錦綉襪休深咎廊廟非才更可傷

道過鬼門

高南鎮安樂

巨靈何日擘嶙峋險徑中穿號鬼門陰氣濕衣寒砭
骨酸風射目暗銷魂懸崖巖爍天樞逼怒暴喧砭地
軸翻妖鳥呼群深樹暗還疑精魅嘯黃昏

○賀王憲使神駿詩韻

梁書云伏虎

卷之三

神駿生來渥水中房星精氣迥相通花生鳳臆團雲
紫電燦龍睛射日紅玉輅屢巡寧楚駕沙場百戰早
收功雄姿信與駑駘異一洗人間萬馬空

○次全上人韻寄許先生二首

老來無奈白頭何獨對青山發浩歌浮世百年知己
少宦情兩眼閱人多卻金我亦如楊震泣王誰能伴
卞和惆悵寧陽為別後天涯三度試春羅

又

歸隱東山歲月深山中雲水是知心閒身未老休扶
杖短髮無多不受簪酒熟昔常同我醉詩成今復共

誰吟功名獨有先生早五十年前入翰林

○次希聞上人韻寄許節之

記得臨岐折柳枝人生難會易分離夜長牘有思君
夢路遠都無寄我詩滿院落花春去早一簾斜日燕
歸遲區區功業成何用贏得閒愁上兩眉

次許先生見寄韻

林官深幸太平家在東山汶水邊十里春陰多草
樹一庭秋色半雲烟携白鶴隨詩社儘把黃金買
義田遙憶歸榮堂上酒不知二老讓誰先

○寄閻京兆同年

秋來風物正愁人况復天涯遠憶君羸馬未能攀逸
駕孤鴻空自惜離群筆鋒醉掃千軍陣詩夢雄吞五
色雲何日客函重聚首一樽相對說新聞

○閏九月九日榆林寫懷

風烟漠漠對蒼蒼節序驚心倍感傷百歲幾回經閏
月一年兩度見重陽菊於秋後那堪折人到老來猶
自忙無限幽懷唵不得胡天霜冷鴈聲長

榆林燈下獨酌寫懷

獨對寒燈酒一盃天涯誰與共徘徊將來世事應難
料已往年光竟不回老景漸成雙鬢雪虛名已覺

心灰故園花發春無主惆悵東風幾度開

○感寓

年來無日不思卿聖主恩深未敢忘貧鬼也嫌原憲
病詩神應笑杜陵狂三邊烽火何時息千里關山到
處忙落魄書生成底用黃金留鑄郭汾陽

又

宦跡悠悠兩鬢霜懶開醒眼看炎涼司徒子亦嫌銅
臭太尉人多慕足香世上有錢難買壽年來無藥可
醫狂菜根本是寒酸物咀嚼方知意味長

○榆林七夕駕懷

黎陽王愛敬公集

十五

碧天如水曉雲收涼月西風滿戍樓為客十年經七
夕思家一日抵三秋人須嘗膽方知苦事到教牙便
覺愁玆重榆林河下水不關興廢自東流

○朔州道中大風

大塊茫茫意氣多不知消息欲如何江東既與周郎
便沛上徒勞漢祖歌平地有山皆走石半空無海亦
翻波何當送我雲霄上試把青天一洗磨

新秋駕懷寄定襄

西風黃葉又經秋浪跡何時得暫休萬里胡天雙倦
翼十年宦海一虛舟炎涼世態誰青眼辛苦人生自

白頭羸得兩肩吟骨瘦天教收拾杜陵愁

又

邊事七年無寸補鬢毛羸得雪霜侵歸思賸有瓜期
楚喜舞空勞麓竄心萬里西風回塞鴈一庭明月動
秋砧滿懷憂思憑誰遣空對寒燈獨自吟

○過紅石山

冬來天氣正嚴凝紅石山高策馬登風向眼中吹出
淚霜於鬢上凍成冰平胡豈止如擒虎用將何湏似
養鷹記得去年經此地鐵衣流汗苦炎蒸

蒙頂石花茶

冬陽三受故人茶

十六

聞道蒙山風味嘉洞天深處飽烟霞水繒碎剪先春
葉石髓香粘絕品花蠅眼不須瀆落冰酪奴何敢開
新芽若教陸羽持公論當是人間第一茶

次許先生韻

十里清風舞檜杉先生高卧白雲巖苔生石上喚人
掃花落門前許燕啣自古養生心欲靜於今處世口
湏緘老來曾得閒滋味咀嚙方知蔗境甜

登大同角樓次劉導愬韻

彩雲飛過幾層蒼梅生人呼酒再添半壁夕陽紅影
瘦一鈎山色翠眉纖我非能益玉摩詰誰是先憂范

仲淹遙想滕王舊時閣瀟瀟暮雨捲珠簾

又

漠漠風烟及暮秋偶來城上一登樓青山不管古今恨
白日空懸天地愁誰有雄才能破虜我無奇骨可封侯
盡將十五年前淚洒向桑乾水共流

西橋晴影

河上長橋有倒懸
瞳瞳紅日正中天
人於雲母屏前看龍在水晶宮裡眠
一氣靜虛涵道體
兩儀神巧入詩篇
夜來偶爾無消息
十里寒流鎖暮烟

東寺寒泉

一曲清泉遶寺流
老懷應共此泉幽
吟來雨氣清詩骨
醉汲冰花滌酒愁
天巧鑿開雲窟冷
地靈分出海門秋
飲牛洗耳潭閑事
留與征人照白頭

水簾飛雪

激下銀河一片秋
石梁飛颺浪花浮
水神掃雪風為幕
山鬼掀簾月當鉤
玉屑散將何處去
鏡光拖到幾時收
莫言以景清如盃
中有龍沙萬里愁

石洞棲雲

漠漠梨花何處尋
山前古洞昼陰陰
甘霖煖貯壺天小
元氣虛涵陸海深
伴鶴歸來如有約
從龍飛去也

無心幾時一掃胡塵靜醉卧神仙窟裏吟

白崖明沙

白崖岩上一登臨崖下明沙入醉吟有日滿天星斗
落無風平地浪濤深飢腸顧我難炊飯老眼知誰會
煉金莫話當年唱籌事與中白骨易銷沈

紅山西照

紅山高占夕陽多此景穹遠有幾何天未補時曾煉
石日將沈處謾揮戈花從火樹光中落鳥向丹霞影
裡過好幅登圖牛背上晚風一曲牧兒歌

○遊吉禪寺

石城城外好風光小憇禪林酒一觴天地有情容我
醉江山無語笑人忙草舍南浦詩中意梅帶西湖登
裡香撫景欲吟吟不得晚風拖雨送斜陽

又

四顧山光接水光天開圖益送壺觴人生能得幾時
健世事可憐終日忙雨到樹頭雲氣濕風來花底鳥
聲香一春好景須行樂回首武陵空夕陽

飲城北樓上用唐人詩韻

白雪樓空草樹荒陽春臺古路蒼茫丁年易過猶炊
黍萬事難行類面牆未上雲霄窮望眼且吞江海洗

愁腸東風本是無情物也送笙歌入醉鄉

又

衰病登臨祇自憐強回雙袖拂雲烟古今有限青山
在天地無私白日懸歸思謾勞千里外壯心猶憶十
年前爛遊幸遇知音客彈折枯桐第幾絃

贈海靜之令尹

偶來相見倍相親多譏音書慰問頻魯酒且拚今日
醉楚城又是一年春無情白髮偏欺我有眼青天不
負人誰挽銀河千尺水與君重洗舊風塵

襄陽懷古

梨陽集卷之九

九

衰柳斜陽占大堤秋風禾黍習家池小兒不唱攔街
曲過客猶尋墮淚碑左傳註成元凱癖唐音刻盡浩
然詩興亡多少傷心事唯有襄山漢水知

下鹿門灘

強呼樽酒破愁顏履險方知世路難巴蜀舊經人鮪
筮襄陽今下鹿門灘霜風怒挾天蔡急雪浪驚飛地
髓寒却恐德公猶不死摩挲老眼靜中看

感舊

榮辱升沉黍一炊人情可喜亦堪悲世間雖有陽光
遠天下豈無皇甫規客焚夜燠鷄唱早鄉書秋恨鴈

歸遲五湖風月綸竿上不釣鱸魚尺釣詩

○又

衲被蒙頭睡得牢起來把酒嚼離騷炎涼不獨悲紈扇俯仰何勞問裙褲一紙謗書誰與辯三邊憂搭我曾挑莫輕老眼渾無用醉裏猶能眇二豪

高揮使宅夕觀燈

一盞花燈百巧收賞心何必到揚州剪成天上新方勝砌作人間大繡毬元氣橐中春髓熱靈丹爐裏夜光浮綵繩高掛都城夕滿馬香風憶奮遊

同唐僉憲遊吉祥寺

愁聽笙歌醉醉鄉喜尋詩景到禪房松藪疑是水聲嚮兩氣恰如花氣香一榻閒雲僧卧穩半簾斜日燕飛忙舊遊芳逕無行跡新筍滿林春草長

又

一灣水送白雲鄉萬疊雲籠紫翠房石鼎漫煎茶味苦竹爐閒煮菜根香世間山靜寺亦靜天下人忙僧不忙微雨乍晴風日煖綠陰深處鳥聲長

8 花落春歸閉門兀坐忽王良弼大叅至急呼斗

酒聊叙故情酒酣賦此

寂寂閒門鎖綠苔落花飛絮送春回愁人正似井中

坐好客忽從天上來萬事無憑休萋萋百年有限且
啣盃明朝君向襄陽去我領沙鷗上釣臺

同良弼舟未發次前韻

漢江春暖水如苔千里東風一棹回遠樹雨添新綠
去夕陽天送淡紅來休尋好景翻詩案且把閒情付
酒杯潦倒不堪開醉眼啼鳥飛上楚王臺

○同良弼遊吉禪寺仍次前韻

兩餘幽徑半生苔屈指狂遊第幾回門外綠拖流水
去牆頭青送好山來讀書何必五千卷有酒且傾三
百杯靜裏光陰閑處樂更無飛夢到雲臺

梁易王受秋公集

二十一

又

衣沾草露履粘苔吟到黃昏尚未回幽鳥一聲穿竹
去閒雲幾片過松來紅搖火影花欹燭綠瀉泉香酒
滿杯說與登師圖不得四圍山水擁樓臺

8 和鄒克清韻

閒臨檻靜看山樹底飛雲手可攀綠野舊開田二頃
黃茅新蓋屋三間春殘花徑何曾掃月落柴門尚未
闕有酒便當呼一醉青銅無處覓朱顏

和鄒克清登山韻

春風繞詠比山萊秋雨東籬菊又開往事可憐成畫

餅虛名何必上雲臺安排杖履尋詩去分付笙歌送
酒來幸遇知音共題品大任真是小天臺

和遊衡水韻

管絃教裡泛仙舟笑引壺觴倚舵樓拖碎白雲魚鱗
去掛殘紅日酒旗收閑鷗睡起沙頭立落葉飛來水
面浮不是不歸歸未得許多時景苦相留

○和鄒克清登山韻

入道三槐是故家老饕何敢自矜誇曾將細柳營中
眼去看玄都觀裡花伯樂不逢千里馬叔敖正遇兩
頭蛇歸來學稼忙成病那得工夫笑海沙

交山一三五九

二二

同前

富貴功名謾自誇品題都屬大方家孤忠可惜寇平
仲公論難容稱子瑕春老我嘗歌瓠葉歲寒誰復問
梅花悠悠往事成虛擲收拾蓑衣理釣車

○同前

老來無復夢周公醉後衰顏借酒紅金縷且聽新樂
府鐵衣休話舊軍功年年天上月長好歲歲世間人
不同萬事寤通皆有命到頭誰拙與誰工

○自詠

小園只隔市墓東六月涼生四面風地闊儘容芳草

綠牆底不碍夕陽紅鳥呼鳥喚聲相似人醉人醒量
不同自是文章真率會憑誰寫入畫圖中

○水月軒

惟摩居士愛禿禪小結幽居只數椽門掩鏡光千頃
碧窗寒秋影一團圓分明太乙舟中坐彷彿廣寒宮
裏眠他日我来分半榻三生重說舊姻緣

○和重陽

自古千金重一壺子今蘭蕙不如蒲班起也是奇男
子犀首原非大丈夫詩向眼前吟太極酒從心上起
陰符世間閑趣無人識雲滿松蘿鶴有雛

又易三三三

十三

次尹同仁冢宰韻

世事真如天上雲白衣蒼狗轉頭新西施不笑東施
醜北阮都嫌南阮貧酒到醉時休勸客蒸當勝處且
饒人落花_院裏鶯聲巧又是閉門一度春

○又

老來夢不到周公羸得心閑氣自平莫向醉中尋李
白好於貧字看淵明三宜盡付新題詠九死猶驚舊
戰爭欲把絲竿淇水上怕人又說釣虛名

張中丞詠雪韻

公府纔聞散晚衙雪散風力共諠譁
党家帳底宜斟

酒陶穀爐中好煮茶冷浸鉄衣思湖海光生金闕
京華天孫巧剪銀河水要使人間看六花

○送錢掌教

十五年前受業師天涯相見復相離官情不盡樽中
酒客夢虛消話裏詩雲影遠拖秋雨散鴈聲低度暮
雲邊到官正遇梅花發逢着人來寄一枝

○端午

甬黍堆盤酒滿壺喜逢佳節泛菖蒲門高不碍齊公
子江闕雞尋楚大夫昔荷

聖恩頒彩扇今隨鄉俗佩靈符豪華爭剪寒皋舌誰

朱陽三交故小集

二二四

向丹山問鳳雛

○次薛憲副見寄韻

身在湖南憶北隲長烟遙接楚雲飛悠悠歲月雙蓬
鬢落落乾坤一布衣自古交游知己少於今忠厚似
君稀無錢可買揚州鶴只借天風送我歸

○自大同移鎮榆林

月落胡天鴈叫霜馬蹄香裏路茫茫東坡自惜遭詩
謗老杜於今戒酒狂造化不容閒處樂人生最苦老
來忙等閒識破真堪笑傀儡棚中又一場

用聰上人韻番別京中諸友

一別諸公今幾時相逢何事又分離
騷人已負梅約游子空歌楊柳枝
白髮瀟瀟嗟我老丹心耿耿許誰知
馬蹄明日雲中道流水寒烟不盡思

次許先生草亭韻

草亭瀟瀟洒洒勝蓬壺
天與人開小畫圖
懸榻每因高士下
坐氈多為廣文鋪
庭前春雨一林竹
溪上秋風兩岸芦
更喜業雲雙白鶴
松陰閒把雪翎梳

許先生見寄韻

一別先生歲已三
新詩誰與細研覃
平城遠在垣山北
魯國遙隣汶水南
王粲懷歸空有恨
許衡辭老竟無慙
不知流景成何物
容易推人雪滿簷

又送許節之歷亭別意

濁酒長亭話別離
宦情唯許壯心知
憐君典籍魁文閣
愧我提刑按察司
春恨兩寒花萼小
人酣風細鳥聲遲
從今無限相思意
多在空庭月上時

聞寧陽作二老歸榮堂因漫賦此

白髮瀟瀟雪滿簷
歸來都荷聖恩深
邦畿執法玉京兆
海宇馳名許翰林
酒熟每邀同席飲
詩成還許對床吟
耆英會上私相賀
一日安閑值萬金

題梅父悅詩

夢落浮生六十年夜來不見地行仙春光寂寞花空
老秋色淒涼月自圓墮淚楚柱歌鳳後傷心魯史獲
麟前而今恩沐天河水一脉分流到九泉

挽梅母詩

白雲深鎖北堂秋刮地西風起暮愁夢裏有烏能反
哺世間無草可忘憂賢郎早見崇藩府貞女曾聞誓
栢舟千古不銷情與淚悠悠滄海自東流

次陳翰林春園倡和詩韻

漏聲清斷興寥寥一卷文章閱幾遭取士方今科日
盛主司從古翰林高春生太乙書藜杖墨澱仙人宮
錦袍明日杏園恩似海東風花底宴蟠桃

次王致文先生送張進士祖年詩韻

年少多君氣宇高鑿予幸與舊同朝清如珠泪彈鮫
室和比春聲引鳳蕭駐節纔看華表柱觀光又上玉
河橋臨歧未唱陽関曲已覺離魂一半銷

王大尹父壽詩

北華山高喜降神滿天涼兩絕輕塵未臨重九無多
日已過中秋正一旬慶壽客來期杖者思親子去作
臺臣從今勝有推恩誥次第看封百歲人

登任山

虛名空惹半生愁。今日歸來兩鬢秋。撫景吟成新律，放歌彈折舊吳鈞。人如白鶴空勞擾，我與黃鸝且勸耐。扶上有興，醉歸去滿山明月重回頭。

8 元日試筆

視池水煖筆生香，收拾東風入草堂。人比去年添一歲，節從今日到三陽。頻燒爆竹真堪笑，滿飲屠蘇也不妨。說與梅花好將息，天教老眼看春光。

又

閒倚東風坐柳衙，柳邊風煖鳥聲譁。消磨世慮三盃酒，洗滌詩腸七椀茶。考古有詩尋左傳，養生無處問

次馬長公集

卷

二十一

十

南華莫輕老朽林，泉眼曾看玄都觀。裋花

登大佐

山北山南半草萊，重遊今喜酒筵開。一天和氣蟠龍洞，十里斜陽掛鹿臺。綠葉為誰都落盡，白雲憐我忽飛來。夜深歸話看星斗，認得文昌接上臺。

次馬執之韻

藜羹黍酒腹便老，向丘園過幾年。莫笑買牛新學稼，也曾騎馬舊巡邊。一灣流水門前送，兩岸閒雲榻底眠。更有晚來堪畫處，白鷗飛上釣魚船。

又

地北天南久別離老懷多少暮雲思錦衣喜得還鄉
日鉄甲毋忘破虜時五斗飲情非飲酒百篇吟興不
吟詩臨歧翻出閒公案謾對魚譙說太師

僧房

尋幽偶到老師房清氣番人興味長紅葉醉吟霜是
酒白雲間卧石為床悠悠世事何時了擾擾人生鎮
日忙坐久不知天已暮篆烟消盡一爐香

贈蔣即中

老來無處覓知音賓館相逢酒謾斟一席共談憂國
話十年不負讀書心茫茫世事多蒼狗薄薄人情半

梨竹三葉每公集

三八

綠林莫把春愁比離思滿庭紅雨落花深

人日立春

不學梅花新樣粧且隨簫鼓拜勾芒萬方晴日天心
順九陌條風地氣香人事久無如契喜春光便有許
多忙明朝小試經綸手占骨何妨把一觴

贈別郭子聲

憲府威聲鬼膽寒此中心事貴從寬人情豈止秋雲
薄世路真如蜀道難把酒我猶思舊事下車誰不看
新官乘乾河水深千尺好洗吾儒鐵肺肝

題范公馬營

慶曆年間舊馬營，至今猶以范公名。興亡捲是一場
夢，憂國空懷千古情。寒夜有霜供月色，寤邊無樹着
秋聲。運籌安得斯人在，助我胸中十萬兵。

古郢即事

古郢遺蹤故老傳，不堪登覽重凄然。山頭白乳高僧
塔，水底金花小姐舡。楚步有人招宋玉，吳門無酒醉
梅仙。方城只隔青林外，幾縷殘霞接斷烟。

謝王都閫

樓前山色靜無塵，樓上微風裊篆薰。我為題詩償舊
債，客來把酒謝新聞。滿林花片闌紅雨，拍岸水聲翻
白雲。回首興闌啼鳥散，藍輿扛去醉薰薰。

王都閫席上

畫堂虛敞彩雲過，滿座香風列綺羅。老去不堪金谷
罰，醉來還倩玉人歌。一年夏景無多矣，百歲光陰有
幾何。莫恠放懷亡爾汝，五陵豪貴盡消磨。

胡廷慎母受封

萱花影裏拜恩光，不負慈闈舊義方。和出一丸熊膽
貴，繡成五色鳳毛香。女中亦有蒼英會，世上可無榮
壽堂。好把斷機絲再續，後人要補舜衣裳。

薛至剛父壽號松隱

松隱年過八十年松雲松月共瀟然紫芝舊釀長生酒黃籙新傳慶壽篇無事世間閑柱史有名林下老詩仙興來放起青田鶴踏破烟霞舞上天

挽薛至剛母

誰呼雙鶴吊泉臺此母生榮死可哀榮自斷機系上得哀從大布被中來北堂有恨萱何在東海無情水不回千古盤龍山下路春風依舊野棠開

胡廷慎父追贈

紫誥推封老憲臣百年詩禮重儒紳鬼籬地下添新事猿恠山中少舊人宰木有靈應吐氣添燈無語自生春鑑湖水亦增光彩曾濯先生淚酒巾

次周德章韻

詩思雄吞飯顆山筆鋒橫截玉門關一杯着意古今恨五斗飲餘天地間花雨撲簾春睡起香風搖響早朝還莫言富貴渾無事憂樂難忘夢寐間

又

藉藉才名重士林天潢早沐聖恩深金人固已三緘口玉食曾無一動心萊興宇臨東晉恬陶情詩和盛唐音當年我亦誇豪俊把鏡今看雪滿簪

過寺吟景月前韻

橋遠流水屋頭山楊柳陰陰晝掩關除却寺中無處
靜不知僧外有誰閑軟紅香土雲遮斷新綠苔痕雨
送還記得舊遊經此地醉吟身在畫圖間

過回中山

回中山下輅停鞭俯仰遺宮獨悵然王母若曾親見
帝武皇應是早登仙世間豈有長生菓天下人無不
死年窮寔茂陵陵上土春風依舊草芊芊

張紹李密廟

滿樹鶯聲春日遲瓣香來謁二賢祠豺狼當道埋輪
日烏鳥思情上表時晉室人心知感化漢家綱紀賴
扶持琅琅忠孝昭千古何用臨風讀斷碑

送楊朝用大叅

東風亭館送君時曾約襄山漢水知水願變為歸別
酒山應磨作去思碑鴈橫遠浦清如畫人倚孤蓬瘦
似詩指日喬遷拜天寵功名端不負男兒

感寓

少壯携書謁帝都弁耒白髮滿頭顛當時只學魯男
子今日不如阿丈夫冷眼有人親破甑枯腸無泪哭
窮途平生未了吾儒事空讀羣陶大禹謨

黑山

東風吹上小金山，天與遊人一破顏。但覺眼空塵世外，不知身在畫圖間。落花多被水流去，倦鳥忽從雲外還。白髮老僧應笑我，狂歌醉舞到更闌。

涼亭

仙翁新結小方亭，說與王維畫不成。一榻雲深涵雨氣，四時風細落松聲。未知天下有何熱，但覺世間無此清。地位高明心似水，古今樂善兩東平。

七夕

年年七夕客中過，乞得天孫巧幾多。白玉攪空有石黃，金織錦恐無梭。茫茫世俗皆如此，薄薄人情可奈何。我欲題詩先紀異，西風烏鵲會填河。

夜坐

感昔懷今坐夜深，悠悠身世任浮沉。三緘已錮金人口，百鍊難銷鐵漢心。春甕有天藏酒聖，草堂無地看書淫。不知誰是鍾期耳，乘月時來一賞音。

又

獨倚空庭謾自吟，碧天如水漏沉沉。西風萬里秋聲賦，北斗三更夜氣箴。往事已成蕉鹿夢，舊盟不負海鷗心。誰云白髮惟公道，偏向愁人兩鬢侵。

吉祥寺走筆送王方

晚風殘月送行旌滿路甘棠鵲頌敷正氣敢為公道
事雅懷不負故鄉情少陵夔府詩無恙摩詰陽關酒
有名靜洗一雙窮老眼扶搖九萬望鵬程

送孫志同主事赴南京

一曲驪駒便放舟丈夫何用說離愁憂親須學古來
孝食祿常懷天下憂順水九程臨漢口好風十日過
蘄州金陵故舊如相問道我思歸髮已秋

送坡上人

棲迹雲山二十年蒲團坐破不曾眠喚回圓捧三生
夢紫透曹溪一指禪遠送忽鄰袞鉢去明明好把祖
燈傳自慙樗散非韓愈也向臨渡送衣頭

慶孫廷蘭祖母八十

堂上夫人雪滿頭喜逢初度列華筵古來難得一百
歲此後惟爭二十年簫鼓沸天春伴海蒲萄翻瓮酒
如泉子能孝養孫榮顯不數蟠桃會裏仙

寄劉蕪夫

宦情離思兩絲紛倚遍闌干日又曛巴蜀去年同是
客荆湘今日獨思君升沉不定風前鴈聚散無憑雨
後雲惆悵幾時重會晤一樽相對說新聞

和王文與詩韻

別後俄經兩度春每瞻雲樹即愁人半生交誼誰知
已一段情懷獨有君燈火久棲書案雀風雷專待禹
門鱗曾蟠五色凌雲氣吐出都成錦綉文

哭周文公

隣君壽與命相違幾度臨風把淚揮囊裏已無新著
稿篋中空有舊穿衣五更月冷須聲斷千里雲深鶴
夢歸他日益陽城外過一盃下馬酌斜暉

送陳宋理

去年別我出神州此日君行我復留客路有期空聚
散宦遊無計自沉淖江聲月色孤舟夜楓葉蘆花兩
岬秋別後五雲宮闕曉相思多在鳳池頭

次張文煥

凜凜風霜六月飛威嚴逞震帝王畿蒲梢天馬千
金價合浦龍珠五色輝貪吏正多廉吏少秦人已瘠
越人肥許多不了公家事願祝輶車且莫歸

壽康御史母

寶婺流光隔瑞雲天涯身史憶慈親花朝未到惟三
日啓蟄絲經正一旬南嶽有松皆獻壽北堂無草不
生春綺筵醉擁笙歌沸便是蟠桃會上人

寄高進士

一從南北兩相違，屈指俄經三授衣。孤枕夢隨流水遠，遙天心逐暮雲飛。朋鷗已散知交少，征鴈不來音信稀。獨有衛城南畔柳，年年依舊送春暉。

寄魏御史

倚闌獨立倦吟哦，千里相思柰若何。風雨愁中知己少，雲山夢裏見君多。金臺北望無書至，潯水南征有鴈過。最好丰姿與懷抱，別來還似舊時麼。

又

平生知己舊同年，南北相思各一天。路隔三千餘里遠，月經二十四圓口。碑剩有行人頌，手教都無過。

黎陽王慶故去

卷

三十五

鴈傳最是不堪凝，望處蒼茫雲樹夕。陽邊

登佺山

大佺山上登高望，景入新秋分外奇。哺子燕啣禾穗米，補巢鴉折樹頭枝。雨添野水連天遠，風約閒雲出岫遲。醉眼模糊看不盡，石屏高處為題詩。

訪蠲上人

杖藜扶過小橋西，萬疊雲深路欲迷。坡老偶來尋佛印，太顛應喜接昌黎。掃開殘葉林間坐，吟就新詩石上題。回首忽驚歸路晚，一聲啼鳥夕陽低。

小金山

